

DESKRISAUN BA POZISAUN

Monitoring, Evaluation & Learning Officer

Titulu pozisaun	Monitoring, Evaluation & Learning Officer
Lokalizaun	RAEOA
Relata ba	Senior MEL officer
Grau	4 Step 1
Salariu	\$619 kada fulan
Tipu pozisaun	Tinan 1
Data komesa/durasaun	Jullu 2023

1. Konaba CARE iha Timor-Leste

1.1 Konaba CARE

CARE hanesan organizasaun internasional ba dezvoltimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efetivu ida atu kria impaktu ba dezvoltimentu ne'ebé sustentavel.

Asegura moris di'ak no rona feto no labarik feto sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Feto sira-nia Ekonómia, Saúde no promove Feto sira-nia Lian iha sosiedade liu husi programa dezvoltimentu no umanitariu sira.

1.2 Konaba programa

CARE International iha Timor-Leste (CITL) implementa projetu ida ho durasaun tinan 5 ho fundus husi Departamentu Agrikultura Estados Unidos (USDA). Projetu ne'e hanaran HATUTAN (Hahán ne'ebé Atu fó Tulun ho Nutrisaun no Edukasaun), atu harii parseria entre eskola no sira-nia komidade hodi hadi'a literasia, aprendizajen, saúde no nutrisaun ba labarik no adultu sira iha munisipiu 4: Ainaro, Ermera, Manatuto no RAEOA - Oecusse. Projetu ne'e parseria ho Ministériu Edukasaun, Juventude no Desportu nomos iha kolaborasaun ho Ministériu Saúde no Ministériu Agrikultura no Pesca. Objetivu atu hametin dezempeñu skolár iha literasia, saúde no nutrisaun, serbisu hamutuk ho sistema skolár iha nivel nasional, munisipal no eskola nomos fó apoiu hodi hametin Programa Merenda Eskolar governu nian.

2. Knaar

OBJETIVU POSISAUN NE'E:

MEL Officer sei halo atividade monitorizasaun, koleksaun dados, entrevista, data-entry no mos relatóriu ba programa. MEL Officer mak sei responsabiliza atu implementa programa nia Planu Monitorizasaun no Avaliasaun bazeia ba planu serbisu ne'ebé define ona ba ninia área serbisu no nia mak sei responsabiliza atu komunika kualkér risku no dezafiu sira ne'ebé afeta koleksaun no kualidade dados ba ninia supervizór. MEL Officer mós sei ajuda implementa programa nia atividade peskiza no ajuda fasilita sesaun treinamentu hodi fahe rezultadu peskiza ba iha parseiru sira iha nivel Rejiaun no Sub-rejiaun, inklui ofisiál governu, sosiedade sivíl, pesoal eskola, no comunidade sira.

Pozisaun ne'e prezisa ema ida ne'ebé hatene serbisu ho profesionalizmu, iha abilidade atu fó atensaun detalhadu, bele serbisu mesak, no iha kapasidade atu halo entrevista no komunikasaun.

Pozisaun ida ne'e sei bazeiadu iha **Pante Makassar (RAEOA)** no sei halo viajen regulár ba eskola no comunidade iha sub-rejiaun sira hanesan **Nitibe, Passabe, no Oesilo** hodi halo atividade monitorizasaun.

RESPONSABILIDADE PRINSIPÁL:

Monitorizasaun, Avaliasaun & Aprendizajen

Implementa projetu nia planu monitorizasaun iha terrenu tuir orientasaun husi Senior MEL Officer no Jerente Programa MEL. Knaar no responsabilidade mak inklui:

- Halo vizita regulár ba eskola sira iha área projetu hodi hasoru diretór ka koordinadór eskola, manorin, alunu sira, inan-aman, kuzinheiru, grupu to'os-na'in, no membru comunidade sira atu rekolla no verifika dados;
- Halo verifikasaun ba benefisiáriu projetu atu bele asegura kontrolu no relatoriu ne'ebé akuradu
- Dokumenta informasaun husi ninia vizita eskola, no fahe ba funsionariu projetu sira seluk atu nune'e sira mós bele iha koñesimentu kle'an kona-ba projetu nia atividade sira iha terrenu, no mós atu identifika risku ba dados nia kualidade (inklui dados ne'ebé hatudu dezigualdade jéneru, falta dokumentu, falta dados, dados ne'ebé kualidade ladi'ak, problema ho arkivu iha eskola, mudansa iha jestór eskola, manorin, ka lider komunitáriu ruma, nst.);
- Fó apoiu ba estudu kualitativu no kuantitativu iha atividade avaliasaun projetu, fornese apoiu lojístiku ba atividade avaliasaun finál no mós estudu espesiál sira seluk;
- Ajuda projetu hodi aprende no halo adaptaun bazeia ba dados ne'ebé kolekta husi terrenu atu bele hadi'ak liután implementasaun projetu no ninia sustentabilidade;
- Asegura atu kolekta dados no hatama (entry) ho akuradu tuir protokolu no matadalan ne'ebé iha no ho konsistén;

- Dezenvolve no mantein relasaun serbisu ne'ebé di'ak ho pesoál eskola, APP, inan-aman no lider komunitáriu seluk atu bele kuda konfiansa no kolaborasaun ho projetu;
- Partisipa iha enkontru regular MEL nian;
- Ajuda iha atividade projetu ne'ebé mak envolve formasaun MEL ka apresentasaun;
- Hala'o kualkér serbisu seluk ne'ebé mak supervizór delega ba nia.

RESPONSABILIDADE SELUK:

- Partisipa ativamente iha prosesu avaliasaun funsionáriu (APPA) inklui avaliasaun anuál, avaliasaun tinan-klaran, no enkontru regulár ida-por-ida, hodi asegura prosesu APPA (inklui ninia dokumentu sira) integradu iha Planu Serbisu Anuál no ninia atividade sira;
- Envolve iha atividade preparasaun ba situasaun emerjénsia, ajuda iha serbisu emerjénsia bainhira situasaun ezije;
- Promove ambiente serbisu ne'ebé seguru; habelar kultura seguransa no seguru ne'ebé di'ak, no kumpre tuir CARE nia politika, prosedimentu no orientasaun; no
- Hatudu kompromisu ba igualdade jéneru, diversidade no protesaun ba labarik.

3. Kriteria ba selesaun

Esperiénsia no Kualifikasaun:

- Kompletu ona baxarelatu iha área ne'ebé relevante;
- Tenke iha experiénsia halo koleksaun dados mínimu tinan tolu ho formatu papél no mós elektróniku (tablet);
- Tenke hatene ko'alia lian **Baikenu**
- Prefere liu kandidadu ne'ebe iha experiénsia halo entrevista, fasilita grupu diskusaun;
- Prefere liu kandidatu ne'ebé iha experiénsia kona-ba área edukasaun no iha koñesimentu kona-ba situasaun no kondisaun eskola sira iha Timor-Leste;
- Prefere liu kandidatu ne'ebé iha experiénsia ona serbisu iha Munisipiu ida ka liu, espesífikamente iha RAEOA;
- Prefere liu kandidatu ne'ebé hatene lori motor no iha karta kondusaun ne'ebé válidu;
- Hatene hakerek no ko'alia lian Baikenu no Tetum, hatene lian Inglés mós di'ak liután;
- Tenke iha abilidade numerasia ne'ebé di'ak, no tenke hatene ka iha experiénsia uza aplikasaun Microsoft Excel no/ka Google Sheets;
- Tenke iha abilidade di'ak kona-ba jestaun tempu, inklui abilidade atu planeia no jere prioridade serbisu oioin hodi asegura bele atinje serbisu tuir ninia tempu;
- Iha abilidade atu rezolve problema no iha abilidade komunikasaun ne'ebé di'ak;
- Onestu, hatene mantein konfidensialidade, no konfiavel;
- Iha experiénsia serbisu ho Organizasaun Internasionál, no iha vontade atu aprende kona-ba CARE nia serbisu no polítika, igualdade jéneru, no empoderamentu fetu.
- Prefere kandidatu ne'ebé iha abilidade atu lori motór no karta kondusaun ne'ebé válidu.